

Za
učenike 9. razreda osnovne škole
ili 10. razreda škole za djecu s posebnim potrebama

Nacionalni ispiti

Pozdrav!

Ovo pismo si dobio/la jer ćeš za vrijeme školske godine raditi nacionalne ispite iz predmeta švedski jezik, švedski kao drugi jezik, engleski jezik, matematika i iz jednog od predmeta iz grupe predmeta biologija, fizika i hemija, i iz jednog predmeta iz grupe predmeta geografija, historija, poznavanje religija i nauka o društvu.

Cilj nacionalnih ispita je da nastavnici dobiju podlogu za ocjenjivanje tvog znanja. Nastavni plan za pojedinačne školske predmete predstavlja polaznu tačku pri određivanju sadržaja ovih ispita i njihovoj izradi. Tvoj rezultat na nacionalnom ispitu je jedan dio ukupnog materijala na kojem se zasniva tvoja konačna ocjena, kako bi ona bila što pravednija.

Nekoliko univerziteta u zemlji razvija i izrađuje ispite po nalogu Zavoda za školstvo (Skolverket). Ispitni zadaci su testirani u puno različitih škola širom zemlje. Učenici i nastavnici su imali priliku dati svoje primjedbe koje su uzete u obzir pri izradi ispita.

Tvoji nastavnici iz ovih predmeta će te obavijestiti o datumu ispita, ocjenjivanju i ostalom što se tiče ispita.

Švedski jezik i švedski kao drugi jezik

Nacionalni ispiti u predmetima švedski jezik i švedski kao drugi jezik se sastoje od tri dijela.

Dio A je usmeni ispit u kojem se ocjenjuješ u tri različita djela: prezentacija jednog sadržaja, vođenje diskusije i učestvovanje u diskusiji. Jedan kratak tekst, slika ili filmski klip će poslužiti kao polazna tačka za prezentaciju i razgovor koji slijedi. U *dijelu B*, pokazat ćeš sposobnost čitanja raznih tipova tekstova. Na dan ispita dobivaš svesku s tekstovima i oko 30 pitanja koja se odnose na tekstove u toj svesci. Počinješ s čitanjem cijele sveske, a onda dobivaš pitanja. *Dio C* provjerava tvoju sposobnost pisanja na zadanu temu. Možeš birati između tri različite teme.

Engleski

Na nacionalnom ispitu iz engleskog jezika moraš da pokažeš sposobnost upotrebe engleskog jezika u govoru i pisanju, kao i da razumiješ engleski koji slušaš i čitaš. *Dio A* je usmeni ispit na kom pokazuješ svoju sposobnost da razgovaraš na engleskom jeziku i da ga govoriš. U *dijelu B* pokazuješ sposobnost čitanja i razumijevanja teksta, kao i slušanja i razumijevanja govornog jezika. *Dio C* je pismeni zadatak, na kojem pokazuješ svoju sposobnost da napišeš povezan i smislen tekst na engleskom jeziku.

Matematika

Nacionalni ispit iz matematike se sastoji iz četiri dijela. *Dio A* provjerava tvoju sposobnost da pratiš i usmeno prenosiš matematičko rezoniranje. Imaš i mogućnost provjere rješenja koje drugi učenici daju, kao i njihovog argumentiranja.

Dio B se sastoji iz zadataka koji se moraju rješavati bez digitalnih pomagala i tabela sa formulama. Kod nekih od ovih zadataka moraš objasniti dolazak do rezultata, a za druge trebaš samo dati odgovor. *Dio C* se sastoji od obimnijeg zadatka koji je istraživačkog karaktera i u kome moraš jasno objasniti svoje rješenje. *Dio D* se sastoji od više zadataka u kojima moraš jasno objasniti svoja rješenja. Zadaci su, najčešće, grupirani oko određene teme.

Biologija, fizika ili hemija

Svi učenici u tvojoj školi polažu nacionalni ispit iz istog predmeta. Koji predmet će to biti u vašoj školi saznat ćeš približno tri sedmice prije samog ispita.

U *dijelu A1*, teoretskom dijelu ispita, koristićeš znanja da bi opisao/la i objasnio/la veze između prirodnoznanstvenih pojava. U *dijelu A2* ćeš koristiti stečena znanja iz biologije, fizike ili hemije radi provjere informacija, komuniciranja i zauzimanja stavova po pitanjima koja se tiču zdravlja, energije, tehnike, okoline, upravljanja zemljištem i ekološke održivosti. U *dijelu A3* ćeš planirati jedno istraživanje. U *dijelu B*, testu u laboratoriji, radićeš istraživanje i izvoditi zaključke o rezultatu istraživanja.

Geografija, historija, poznavanje religija ili nauka o društvu

Svi učenici u tvojoj školi polažu ispit iz istog predmeta. Koji predmet će to biti u vašoj školi saznaćeš približno tri sedmice prije samog ispita.

Dio A i *dio B* su pismeni i u njima se na različite načine testiraju znanja opisana u različitim nastavnim planovima.

Gdje se može naći više informacija?

Više informacija o nacionalnim predmetnim ispitima nalazi se na web mjestu
Zavoda za školstvo

www.skolverket.se/bedomning

Tu postoje i linkovi za primjere zadataka s ispita.

Kontaktirajte Zavod za školstvo

nationellaprov@skolverket.se